

- 12:9 疼著無假；怨恨歹，親近好。
- 12:10 疼兄弟，著相親愛；敬重人，著相推尊。
- 12:11 論殷勤，不通懶惰。論心志，著熱熱，論主，著服事。
- 12:12 佇盼望著歡喜，佇患難著吞忍，佇祈禱著常常。
- 12:13 聖徒所欠缺的就供給伊；出外人著致意好款待他們。
- 12:14 窘逐恁的，著給他們祝福；著祝福，莫得咒詛。
- 12:15 及歡喜的人相及歡喜；及啼哭的人相及啼哭。
- 12:16 相款待著同一樣的心；心志莫得好高，著膝就卑微的；莫得掠家已做有智識。
- 12:17 莫得用歹報歹；佇衆人的面前著圖謀諸個好事。
- 12:18 若會得通及衆人和，就著盡力及他們和。
- 12:19 所疼的兄弟啊，莫得家已伸冤，著忍氣卡好；因為有記載講：「主講：伸冤在佇我，我欲報應伊。」
- 12:20 若是你的對敵餓，著互伊吃，嘴乾，著互伊飲；因為行按呢是將熱熱的火炭壘佇伊的頭殼頂。」
- 12:21 莫得互歹卡贏，著用好卡贏歹。